

minner vn minnerine sind
die ~~die~~ die on vnderlass von got
in got vss got betrachtent
d aller best vn ir hertz vn
ir gemut angescheiden ist
von got Si hörent vo got
mit grosser begird reden
Si redent selb mit inbrün
stigem lust vo got Si dien
ent got on alles verdriess
en Si waget lib sel güt
vn er vn alles d si gesa
ite muget durch got wille
Noch vertragen ir natur
nunk vberal Si begerent
got on vnderlass wol ze
gefalle Si frömet sich got
licher gegenwärtigkeit vnd
truret vo seiner fründi Si
minnet alles d d got min
et vn flüchet vn hasset das
got hasset Si begeret d got
in benüge vo ine hab vn
fürchtet im missfallen Si sind